



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Synodalia Osnabrvgensis Ecclesiæ, Ab Anno Christi  
MDCXXVIII.**

**Brogberen, Johannes**

**Coloniæ Agrippinæ, 1657**

Cap. XXVI. De promulgatione & insinuatione rerum necessiarum à  
Pastoribus facienda.

**urn:nbn:de:hbz:466:1-14298**

etiam cuivis alteri Sacerdoti, Confessionis vel aliorum Sacramentorum administrationem, aut Verbi divini prædicationem in Ecclesiis Nostræ Diœcesis assumere, nisi examine præmisso, & approbatione Nostra, vel Nostri in Spiritualibus Vicarii, in scriptis obtenta.

C A P. XXV. *De libris necessariis  
Parochorum, & Catechismo.*

**I**Hortamur etiam Parochos, ut libros necessarios & ad officium suum exequendum commodos, sibi comparent, ac, præter utrumque Testamentum, approbata translationis, Latinæ & Germanicæ, Sanctorum Patrum libros, quoscunque pro facultatibus suis poterunt, comparare sibi studeant; præsertim eos, qui pastoralia officia exercuerunt, & ad hæc in scriptis suis excolenda collimarunt, ac præsenti itatui Ecclesiæ ad defensionem fidei & restitutionem morum ac disciplinæ Christianæ plurimum conferunt. quorum indicem, si ita res postulet, ipsis posthac dabimus.

**2** Parochi quoque & Curati, Catechismum Canisii, quem edi & distribui curavimus, diebus Festivis ac Dominicis, tempore congruo, pueris & rudi populo proponant & diligenter explicitent.

**3** Volumus quoque, ad incertitudinem omnem multaque incommoda præcavenda, ut omnes Pastores & Curati tres libros habeant, in quorum uno baptizatorum nomina cum patrinis, cum anno & die & parentum nominibus, scribantur; si sit autem illegitimus partus, matris tantum nomen adscribatur.

**4** In secundo referantur nomina eorum, qui matrimonio junguntur, similiter cum anno, die, omnibusque parentum seu proximorum cognitorum, & aliquot testium.

**5** In tertio, juxta ordinem domorum, vicinitatum ac familiarum, conscribantur omnium & singulorum Parochiali curæ subjectorum nomina, cum die nativitatis & baptismatis; & si ad rationis annos pervenerint, singulis annis per notam illis adscribatur, qui peccata sua confessi fuerint circa Pascha & communio-nem suscepint, & aliorum nomina qui confessi non fuerint nec communicaverint, & infra Pascha & Pentecosten Nobis, aut Nostro in Spiritualibus Vicario, in scriptis exhibentur.

C A P. XXVI. *De promulgatione &  
insinuatione rerum necessiarum  
à Pastoribus facienda.*

**H**is quoque Pastoribus & Curatis serio injunctum volumus, ut, quæ in statutis Synodalibus, aut alias à Nobis constituta & promulgata sunt, aut quæ ex Concilio Tridentino

tini decretis ad Parochianos suos pertinent, ipsis intimare & inculcare non omittant.

C A P. XXVII. *De Provisoribus,  
Structoribus, seu Magistris fabricæ.*

**P**rovvisoribus seu ædilibus & structoribus Ecclesiæ & Capellarum (quos non alios quam Catholicos esse volumus,) serio injungimus & mandamus, quatenus Ecclesiæ, Capellas, Oratoria, Altaria, Coemeteria, Campanas, Fenestras, Sacerdotalia paramenta, & quæcumque vasæ ad divinum usum & Ecclesiæ Sacra menta deservientia, fieri, reparari, restaurari, consecrari & renovari faciant & procurent, & ad Pastorum & Curatorum requisitionem in hoc se faciles & obedientes præsentent; alioquin pœnam nostram arbitriariam pro modo negligentiæ seu contumaciæ experturi.

C A P. XXVIII. *De rationibus  
reddendis.*

**Q**Vibus etiam sub distinctione eadem mandamus, ut Ecclesiæ reditus non in alios usus extraneos convertant, & singulis annis, in præsentia Parochi & ad hoc deputatorum, accuratas & particulares rationes reddant in scriptis, conservandas in cista aliqua templi; quas, requisiti, Nobis aut Nostris ad hoc deputatis, facile exhibere possint.

C A P. XXIX. *De Archivio, Inven-*  
*tario, & Transumpto Literarum, Mo-*  
*numentorum & Registrorum.*

**L**itteræ Originales, Registræ, & alia quæcunque monumenta & instrumenta, in Archivio vel cista, tribus differentibus seris custodita, diligenter asserventur; cujus unam clavem habeat Pastor, alteram Senior Ecclesiæ provisor, seu ædilis, tertiam ejus Senior collega obtineat; nec unquam Archivium vel cista aperiatur, nisi singuli clavium custodes personaliter sint præsentes.

**2** Præter vero summariam illam designationem redditum Pastorium & beneficiorum (de qua supra c. 17,) harum omnium literarum, monumentorum, instrumentorum, jurium, reddituum, obventionum Inventarium quamprimum opera Pastorum in præsentia Notarii ubique conficiatur, & paulatim etiam in authenticam formam à Notario transsumatur, sicuti etiam quarumcumque rerum Ecclesiasticarum mobilium, calicum, corporalium, purificatoriorum, sanctarum Reliquiarum, vestium sacrarum, ornamentorum, librorum, aliorumque sacrorum instrumentorum, repertorium instituatur, ut Ecclesiæ necessitates eo magis agnoscere ac juvare possumus.

C A P.